



Heilbrigðisráðuneytið
Skógarhlíð 6
105 Reykjavík

Reykjavík, 29. október 2020

Efni: Umsögn velferðarsviðs Reykjavíkurborgar um áform um breytingar á lögum um málefni aldraðra nr. 125/1999.

Vísað er í mál nr. 219/202 á samráðsgáttinni er varðar áform um breytingar á lögum um málefni aldraðra nr. 125/1999. Þar kemur m.a. fram að úrlausnarefnin sé að samræma lögini niðurstöðu vinnuhóps um mat á InterRAI-mælitækjum og færni- og heilsumat. Í niðurstöðunni kemur fram að betur færi á því að ein færni-og heilsumatsnefnd fari yfir álitamál á landsvísu en að starfandi séu færni- og heilsumatsnefndir í öllum heilbrigðisumdæmum landsins.

Af hálfu velferðarsviðs Reykjavíkurborgar hafa komið að gerð umsagnarinnar starfsmenn heimahjúkrunar og fulltrúar þeirra hjúkrunarheimila sem rekin eru af hálfu Reykjavíkurborgar, þ.e. Droplaugarstaða og Seljahlíðar.

Athugasemdirnar eru eftirfarandi:

- Velferðarsvið fagnar því að verið sé að einfalda samþykktarferli á hjúkrunarheimilum með tilliti til hvers einstaklings og gera ferlið einfaldara og skilvirkara.
- Mat velferðarsviðs er að æskilegt sé að einn biðlisti væri á landsvísu. Telja verður að það geti mögulega verið til einföldunar, gert ferlið gagnsærra, skilvirkara og einfaldað afgreiðslu mála.
- Lögð er áhersla á að að matið sé framkvæmt af fagfólk sem þekkir vel til ástands viðkomandi einstaklings hverju sinni. Læknar og hjúkrunarfræðingar hafa bestu þekkinguna til að meta þörf einstaklinganna.
- Að mati velferðarsviðs er talið að fyrirhuguð lagabreyting geti tryggt réttmætara ferli en gæta þarf vel að þeim hópi sem er með takmarkaða eða enga þjónustu heimahjúkrunar. Sá hópur nýtur oft á tíðum mikillar aðstoðar óformlegra umönnunaraðila, svo sem fjölskyldu og vina. Huga þarf vel að því í þeim tilvikum hver vinnur matið og hvaðan það kemur.
- Mikilvægt er að lækna- og hjúkrunarbréf fylgi mati og umsóknum.
- Af hálfu velferðarsviðs er lögð áhersla á mikilvægi sanngirni í öllu ferlinu. Starfsmenn heimahjúkrunar hafa veitt því athygli að einstaklingar hafa verið að fá höfnun á færni og vistunarmati með MAPLE 3 og 4 og verulega hjúkrunarbyrði.
- Nauðsynlegt er að unnt verði að endurupptaka mál ef mikil óánægja ríkir um niðurstöðu þess og myndu faglærðir starfsmenn heimahjúkrunar annast slíka beiðni í samvinnu við viðkomandi einstakling og fjölskyldu hans.

- Ef niðurstöður úr mælitækinu eiga að liggja til viðmiðunar um það hvort viðkomandi fái samþykkt mat í hjúkrunarrými er mikilvægt að tryggja fagfólki kennslu og þjálfun og stuðla þannig að því að tækið sé rétt notað.

Ef frekari upplýsinga er óskað verða þær góðfúslega veittar.

Virðingarfyllst,

f.h. velferðarsviðs Reykjavíkurborgar.



Lilja Petra Ólafsdóttir,
hjúkrunarstjóri